

Ambasador Wnendt preuzima funkciju višeg zamjenika visokog predstavnika

Visoki predstavnik Paddy Ashdown pozdravlja dolazak ambasadora Wnera Wnendta na funkciju novog višeg zamjenika visokog predstavnika. Ambasador Wnendt danas preuzima ovaj položaj od ambasadora Gerharda Envera Schrömbgensa.

Visoki predstavnik se ovim putem želi zahvaliti ambasadoru Schrömbgenu na marljivosti kao i načinu na koji se posvetio velikom broju dužnosti. Među ključnim oblastima implementacije mira u kojima je ambasador Schrömbgens dao značajan doprinos su povratak izbjeglica i izgradnja institucija, uključujući reformu obrazovanja i kontinuiranu reorganizaciju oružanih snaga BiH kako bi se iste pripremile za učešće u NATO-ovom Partnerstvu za mir te smanjio njihov nesrazmjeran udio u entitetskim budžetima. Ambasador Wnendt će od ambasadora Schrömbgensa preuzeti ove i druge obaveze.

Ambasador Wnendt je pristupio njemačkom Ministarstvu vanjskih poslova 1980. godine. Bio je na službi u Aziji i Sjevernoj Americi, kao i Briselu i Berlinu. Od 1991. do 1995. godine tokom službe u stalnom njemačkom predstavništvu pri Evropskoj uniji u Briselu, ambasador Wnendt je bio član EU Radne grupe o mirovnom procesu u bivšoj Jugoslaviji. Položaj na kome se nalazio do ovog imenovanja je bila funkcija zamjenika šefa Odjela za vanjske poslove za pitanja evropske integracije, Evrope i Zajednica nezavisnih zemalja (CIS) u Uredu saveznom predsjednika u Berlinu. Oženjen je i otac petoro djece.

Detaljnu [biografiju ambasadora Wnendta](#) možete naći na OHR-ovoj web stranici.